

cinquante



400. K

(Louis XII) en veyte

26 544. 208





Das einreptē des ko-  
nigs von Franckreich in Genua auß  
Französischer zungen Ins Teutsch  
gepracht.







# Das einreyten des konigs vō Franck reich in Jenua auß Franzzosischer zungen Ins Teutsch gepracht.

¶ Der Konig reyt auß sant Augustins kloster das in der vorstat  
ein welsch meyl wegs von Jenua ligt. vñ vor yme zohen funff  
tausent Schweyzer. Der ein teyl trügen spyess - ein teyl helpar-  
ten - puren vnnd armpruß mit fliegenden vendlen - pfeiffen vnd  
trumeln - was zu mal ein hübscher hauffen - vñ ein ser wunder-  
lich dingt zu sehen.

¶ Item nach den zohen vier tausent - funffhundert freyer knecht  
in ordnung als die vordern.

¶ Item Vier tausent Glaschon.

¶ Item darnach funffhundert Trabanten oder laquai - wie vor  
alle mit guter ordnung.

¶ Item darnach Reyten sechs hundert kureser von der ordnung  
mit iren hauptleuten. Vñ yre pferd waren alle geligert - das ein  
sonderlich hübsch ding zu sehen was - vnd weyl sye hielten bey  
dem kloster auß dem der konig zog - geschahen ob zweyhundert  
schussen auß grossen wercken. Dyse alle zu fuess vñ roß beleyten  
den konig biß zu dem einganck der stat - vnd alda kerten sie vmb  
wider in das her von dann sie gezogen waren. Vnd mittler zeit  
bliben in dem leger Vier tausent fuessknecht - vnd zwey hundert  
kureser.

¶ Item darnach zohen drey hundert kureser von der ordinantz  
die selben reytten in die stat den schlechten weg zu dem schloßlein  
dem grossen Schloß vnd sant Johannis turen die zu verwaren  
die weyl der konig in der stat were.

¶ Nach den kamen funffzehnhundert armbrust schutzen - der  
haubtleut waren die herren - Zymber Coüret - Hector Bertin -

vñ der Molard. Alle angethan vñd mit Irem haubtharnasch  
die armbrust auff der achßel. vñd die pfeyl auff der seyten.

Nach den giengen zway vñd zwentzig stuck geschutz als quar-  
tanen. Puren. Schlangen. Schlengley. Bey den waren zwey  
hundert puren mayster. vñnd vil anders volcks zu solchem ge-  
schutz gehöug. vñd der haubtman was der herren von Spey.

¶ Darnach wurden gefart etwouil gefangen so in zeit des kriges  
nyder gelegen waren. mit den giengen etwouil fueßknecht.

¶ Darnach zohen die Singer von des konigs Capellen.

¶ Item darnach die hoffmeyster. Truchessen. Schöcken. Ca-  
merer vñd ander amptleut des konigs. der anzahl vil waren. vñd  
sere kostlich vñd wol gerüst.

¶ Itē darnach zohen die von der Finanz. als Schatzmeyster  
Oberst. Kunemer. Finanz schreyber. Cantzler des konigs vñd  
ander amptleut das alles hupsch zu sehen was.

¶ Item darnach Rayt gar ein grosse zal von kareßern die dinst  
lerot findt. all mit verligerten hupschen hengsten. Wiewol die  
deinstlerot nit alle bey solchem einreyten waren. dann der konig  
het yr ein teyl geschickt gen Sauona.

¶ Darnach kamen die hundert Schweyzer die auff den konig  
warten.

¶ Item darnach der herr von Bourbon auff einem hupschen  
grossen vñnd wolcrabenten hengst. der fueret die vierhundert  
Scharzen vñ des konigs hüt. Dan er der selben obersten haupt-  
man ist. des gleich der herr von Bignij auch zu roß. Vñd nach  
den giengen zu fueß herr Gabriel von Chastre. vñd der herr vñ  
Crusol. der hüt haubtleut der gliger. het vñder yme zweyhun-  
dert der obgenanten Schutzen.

¶ Item darnach Reyt der groß Marschalck herr Galeaz vñ  
sant Suerin. vñ nach ime die Marschalck des hofes. auch die



Knaben des Königs. die da saßen auff den grossen vñ hutschsen  
hengsten des Königs.

¶ Item darnach Reyten die Fürsten so gar kostlich als das inmer  
erdacht mag werden. alle auff grossen verdeckten hengsten. als  
der hertzog von Ferar. Der marggraff vō Montua. Der Marg  
graff von Montferar. Der Marggraff von Rötzel. der herr von  
Quall. Der herr von Vall. Der herr von Pontheuire. Der herr  
von Panesi. Der herr von Vanndome. Der herr von Nevers.  
Der herr von Dunoye. Der hertzog von Calabria. Der herr vō  
Lenson was mit da. sonder frantz welken zu ist. dyse alle sind  
Fürsten. mit den obgenantē fürsten reyt ein grosse anzal künigser.  
ir edelewt. Knaben vnd deiner ser wol vñ kostlich gerüst.

¶ Item der König Reyt auff eynem geligerten hengst in seynem  
ganzen künig. vñ het in seiner handt ein plosschwert zu einē  
zeychen des Sigis. vñ ob seinem haubt ein hymel. den trügen  
Sechs der gewaltigen von der stat. der was von seyden golds  
vñ silber. vñ vermischt mit lilgen.

¶ Item nach ym Reyt der großmeyster von Franckreich. herr  
Karel von Amboisa auff einem grossen hengst kostlicher dann  
keyner vnder dem hauffen. außgenommen den König. der auch in  
seyner hant fueret ein plosschwert als ein Siger vñ stathalter  
des Königs.

¶ Item darnach Reyt ganz allein auff einem Maul der hoch-  
wirdig in got herr vñ vater der Cardinal von Amboisa Legat  
in Franckreich. Nach ime zohen vier Cardinal. mit namen der  
Cardinal von sant Seuerin. Der Cardinal final. Der Cardinal  
von Pue. Der Cardinal von Albi. Vñ nach den reyt ein gros-  
se anzal von Erzbischofen. Bischofen. Abt. Prothonotarij vñ  
ander Prelaten.

¶ Item darnach Reytē die potschafft so zu dē König gesant warē  
A iij

¶ Item darnach reyt der groß Marschalck von Normandia Der herr von Kavel in seinem kurtz / Vnd fuert dye zweyhundert kurtzer so alle edel sind / die auß der massen wol gerust warē vnd auff hubschen verdeckten hengsten saßen / das was zu mal hubsch zu sehen / auch der hubschest hauff.

¶ Item darnach reyt herr Mercuri hauptman der zweyhundert Stradioten die auff ir manier gerust waren vñ auff Turckischen pferden saßen wol gepurzt.

¶ Item darnach ein vberschwenckliche zal von knechten / iungen vnd knaben / Amptleut vnd deiner der vorgeanten herren vñ zu letzt giengen alle meiler des konigs / der fursten vnd herren

## Die geschicht in der stat Jenua geschehen zu dē einrepten des konigs.

¶ Erstlich kamen dē konig entgegen alle geyslich mit krewzenhelum / fannen gantz als es in francheich gewonheyt ist.

¶ Item darnach kamen herauß für die stat alle gewaltigen in der stat vnd knieten nyder vor dem konig bittend das er sye zu gnaden auff neme / vñ also kniet schreyen sye Barmhertzigkeit.

¶ Item die fenster vnd gassen waren alle behenckt mit gulden stucken / samet / seyden vnd turckischen tebichen / auch andern kostlichen dingen vnd die fenster vol hubschen frawen / vnd in allen gassen waren außgeschlossen die hubsten vnd kostlichste frawen vnd iunckfrawen vber die maß zierlich vñ schon die alle dem konig schient vmb Barmhertzigkeyt.

¶ Itē die weyl der konig einreyt kamē gefaren in die port zu Jenua zwo Clauen / sechs Galeen / mit vil andern schiffen alle zu



gehorend dē konig ser wol zu der wer gerufft. die bey einer gātzen  
stunde nit anders theten dan stetigs schiffen - des gleichen thetē  
auch die von den Castellen vnd andern steten darumb gelegen -  
das was wunderlich zu horen.

¶ Es waren auch dazumal in der pforten zu Jenua vil Galeen  
vnd fustē vñ schiffung von Alexandria - Turckey - Barbaria -  
vnd andern frömden orten. die vmb zukunfft des konigs groß  
frewnd erzeygten mit Trumetten. paucken. vnd pseyffen.

¶ Item der konig zohe zu herberg in den palast.

Geschehen zu Jenua auff. xxviiiij. des apülen. In dē iar 1.507.



THE UNIVERSITY OF CHICAGO  
LIBRARY  
545 EAST 57TH STREET  
CHICAGO, ILL. 60637

Handwritten: 1000 1/2

Handwritten: 1000 1/2

Handwritten: 1000 1/2

Handwritten: 1000 1/2









